

rius diu tenuisti & possedisti, ac tenes de presenti ac possides contra formam Constitutionis præfatæ fel. rec. Eugenii dignitatem & Officium Primiceriatus in dicta Pa:^{li} Eccl:^a nec non in Parochiali S. Felicis presbyterale beneficium nuncupatum, utrumque personalem residentiam exigens; quo casu ex dispositione dictæ Eugeniænæ, absque aliqua alia vocatione & privatione, ipso facto tam Primiceriatus dignitas, quam beneficium presbyterale prædictum S. Felicis de Venetiis vacare censetur, & ad eorum collationem & provisionem posse & debere procedi, prout in Eugeniâ prædicta. Quocirca volentes nos ex pastoralis Officio nobis injuncto, pro observantia dictæ Eugeniænæ, & exoneratione conscientiæ nostræ; & ne tu Primicerie in peccato vel quod nescis, vel quod nescire dissimulas, diutius immoreris, & absque canonica provisione Primiceriatus & presbyterali Titulo prædictis incumbas contra Deum, salubriter providere duximus, & contra te maturius procedere. Idcirco committimus & mandamus per unum ex Nuntiis Curie nostræ Te citari, requiri & moneri, quod tertia die juridica proxime futura post præsentationem præsentium tibi fiendam, quem terminum tibi assignamus pro primo, secundo & tertio & peremptorio, prout citamus, requirimus & monemus, quatenus coram nobis comparere debeas legitima hora causarum consuetâ, ad dicendum & allegandum quicquid dicere vel allegare volueris, quare contra te procedi non debeat tamquam privatum dignitate & Officio Primiceriatus, ac beneficio presbyterali prædicto detinendo ultra mensem, prout detinuisti & detines Primiceriatum & beneficium presbyteratus prædictum